

დანართი № 2 - სახელმწიფო შესყიდვების შესახებ ხელშეკრულების პროექტი

(სახელმწიფო შესყიდვების შესახებ მოცემული ხელშეკრულების ფორმა და პირობები შესაძლებელია დაზუსტდეს ხელშეკრულების დადების მომენტისათვის მხარეთა მოლაპარაკების საფუძველზე)

ქ. თბილისი

_____, 2023 წ.

ერთის მხრივ, სს „საქართველოს ნავთობისა და გაზის კორპორაცია“ (შემდგომში - „შემსყიდველი“), წარმოდგენილი დირექტორის ფინანსურ საკითხებში ომარ ოგბაიძის სახით, და

მეორეს მხრივ, შპს ----- (შემდგომში - „მიმწოდებელი“) წარმოდგენილი დირექტორის ----- სახით,

იმ გარემოებიდან გამომდინარე, რომ 2023 წლის -- შემსყიდველის მიერ „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის “--” ქვეპუნქტის შესაბამისად გამოცხადებულ ტენდერში NAT--- გამარჯვებულად გამოცხადდა შპს ----- ფასით ----- ლარი დღგ-ს გარეშე, ვთანხმდებით შემდეგზე:

1. ხელშეკრულების საგანი

1.1. სს „საქართველოს ნავთობისა და გაზის კორპორაციის“ ადმინისტრაციულ შენობაში განთავსებული ორი ერთეული სამგზავრო ლიფტის ტექნიკური მომსახურების (შემდგომში - მომსახურება) სახელმწიფო შესყიდვა.

1.2. მომსახურების ჩამონათვალი და ფასი ერთეულის მიხედვით მოცემულია წინამდებარე ხელშეკრულების დანართი №--ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. მხარეთა უფლება-მოვალეობები

2.1. მიმწოდებელი ვალდებულია, კეთილსინდისიერად, ხარისხიანად და დროულად შეასრულოს მასზე ამ ხელშეკრულებით დაკისრებული მოვალეობები.

2.2. მიმწოდებელი უფლებამოსილია, მოსთხოვოს შემსყიდველს ხელშეკრულებით ნაკისრი ვალდებულებების დროულად და სრულად შესრულება.

2.3. შემსყიდველი ვალდებულია, უზრუნველყოს შესაბამისი ანგარიშსწორება ხელშეკრულებით გათვალისწინებული პირობებითა და ოდენობით;

2.4. შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი ვალდებულებების დროულად და სრულად შესრულება.

3. მომსახურების გაწევის წესი, მიღება-ჩაბარების წესი

3.1 მომსახურების განხორციელების ვადა:

3.1.1. მიმწოდებელი ვალდებულია ლიფტ(ებ)ის ტექნიკური მომსახურება განახორციელოს ხელშეკრულების გაფორმებიდან 2024 წლის 31 დეკემბრის ჩათვლით, ეტაპობრივად, შემსყიდველის მოთხოვნის შესაბამისად.

3.1.2. მიმწოდებელი ვალდებულია დანართ N1-ის (პრეისკურანტი) 62-ე პოზიციით გათვალისწინებული ტექნიკური დათვალიერება განახორციელოს თვეში ერთხელ.

3.1.3. მიმწოდებელი ვალდებულია განახორციელოს შემდეგი ტექნიკური პარამეტრების მქონე 2 (ორი) ერთეული ლიფტ(ებ)ის ტექნიკური მომსახურება:

ლიფტების ტიპი - სამგზავრო, ელექტრო. ტვირთამწეობა: 1200კგ. გაჩერების რაოდენობა: 6; სიჩქარე: 1,0 მ/წმ. აწევის სიმაღლე: 21მ; დამზადების წელი: 2015წ. მწარმოებელი: “AH-MET Asansor Sanayi Ve Ticaret”.

3.1.4. მიმწოდებელი ვალდებულია ლიფტების გამართული ფუნქციონირების და სწორი ექსპლუატაციის პირობების დაცვის მიზნით, ლიფტების ტექნიკური მომსახურება განახორციელოს სათანადო კვალიფიკაციის მქონე პირ(ებ)ის ჩართულობით. სპეციალისტი აღჭურვილი უნდა იყოს ყველა საჭირო ხელსაწყოთი;

3.1.5 მომსახურების გაწევისას დაზიანებული ნაწილი უნდა შეიცვალოს ახალი, ექსპლუატაციაში არ მყოფი ქარხნული ნაწილით. გარდა დეფიციტური სათადარიგო ნაწილებისა, რომელიც შემსყიდველთან შეთანხმების საფუძველზე შესაძლებელია დაყენდეს მეორადი ან მოხდეს მისი აღდგენა (ამ შემთხვევაში, ფასი დგინდება მხარეთა შორის შეთანხმებით, საბაზრო ფასის გათვალისწინებით);

3.1.6 ლიფტ(ებ)ის ავარიულად გაჩერების შემთხვევაში, მიმწოდებელი ვალდებულია შემსყიდველის შეტყობინებიდან არაუგვიანეს 2 (ორი) საათის განმავლობაში, ხოლო მგზავრ(ებ)ის კაბინაში არსებობის შემთხვევაში არაუგვიანეს 1 (ერთი) საათის განმავლობაში, ყოველდღიურად 24/7 (შაბათ-კვირის ჩათვლით), უზრუნველყოს კვალიფიციური ტექნიკური პერსონალის ადგილზე გამოცხადება და მგზავრ(ებ)ის უსაფრთხო გამოყვანა (ასეთის არსებობის შემთხვევაში). ასევე, ოპერატიულად უნდა უზრუნველყოს ლიფტის ავარიულად გაჩერების მიზეზის დადგენა და იმ შემთხვევაში, თუ აღნიშნული დაკავშირებული არ არის დაზიანებული ნაწილ(ებ)ის შეცვლასთან, დაუყოვნებლივ მოიყვანოს ლიფტი მუშა მდგომარეობაში. ხოლო იმ შემთხვევაში, თუ ავარიული გაჩერება დაკავშირებულია რომელიმე ნაწილის დაზიანებასთან, დაზიანებული ნაწილის შეცვლა უნდა მოხდეს შემსყიდველის შეტყობინებიდან 2 (ორი) კალენდარული დღის განმავლობაში. იმ შემთხვევაში, თუ მომსახურების განხორციელებისას აღმოჩნდება, რომ ლიფტის შესაკეთებლად საჭირო გახდა დეფიციტური სათადარიგო ნაწილი (რომლის ყიდვა მოცემული მომენტისათვის შეუძლებელია საქართველოს ტერიტორიაზე) შესაძლებელია მომსახურების გაწევის ვადა გაიზარდოს მხარეთა შორის შეთანხმებული გონივრული ვადით, მაგრამ არაუგვიანეს 15 (თხუთმეტი) კალენდარული დღისა. მიმწოდებელმა დეფიციტური ნაწილის შესახებ ინფორმაცია წერილობით უნდა აცნობოს შემსყიდველს, ზემოაღნიშნული შეტყობინების მიღებიდან არაუგვიანეს 2 (ორი) კალენდარული

დღისა, რომელსაც თან უნდა დაერთოს შესაბამისი დეფიციტური ნაწილის შეკვეთის დამადასტურებელი დოკუმენტი (დოკუმენტის ასლი);

3.1.6.1 მიმწოდებელი მხრიდან ლიფტების დაზიანების შემთხვევაში საკონტაქტო პირებია: 1. ----- ტელ: -----, ელ ფოსტა: ----- 2. ----- ტელ: -----, ელ ფოსტა: -----

3.1.6.2 შემსყიდველის შეტყობინება ლიფტების მომსახურების საჭიროების შესახებ შესაძლებელია გაიცეს, როგორც სიტყვიერად, ასევე ელექტრონულ ფოსტაზე შეტყობინების გაგზავნის გზით;

- 3.1.7 ლიფტ(ებ)ის შეკეთება უნდა განხორციელდეს მიმწოდებელსა და შემსყიდველს შორის თითოეულ კონკრეტულ შემთხვევაში დეფექტური აქტის შედგენის შემდეგ, რომელშიც მითითებული უნდა იყოს გასაწევი მომსახურების ან/და ასეთი მომსახურებისათვის საჭირო საქონლის დასახელება, რაოდენობა და ღირებულება;
- 3.1.8 მიმწოდებელი ვალდებულია დამატებითი ანაზღაურების გარეშე, შემსყიდველის მოთხოვნის შემთხვევაში, წელიწადში ერთხელ (იგულისხმება 2023 წელს ერთხელ და 2024 წელს ერთხელ, ჯამში არაუმეტეს ორჯერ) მოახდინოს სამგზავრო ლიფტის ხისტი მუხრუჭების შემოწმება, შესაბამისი აქტის გაფორმებით;
- 3.1.9 მიმწოდებელი ვალდებულია ლიფტის ტექნიკური გაუმართაობის შემთხვევაში (ლიფტის ექსპლუატაციის უსაფრთხოების ნორმებთან შეუსაბამობა) შეწყვიტოს ლიფტის ექსპლუატაცია და დაუყოვნებლივ წერილობით აცნობოს შემსყიდველს არსებულის შესახებ;
- 3.1.10 მიმწოდებელი ვალდებულია მომსახურების გაწევისას დაიცვას უსაფრთხოების ნორმები და საქართველოს მთავრობის 2013 წლის 31 დეკემბრის #446 დადგენილებით დამტკიცებული „ლიფტების უსაფრთხო ექსპლუატაციის შესახებ ტექნიკური რეგლამენტის“ მოთხოვნები;
- 3.1.11 მიმწოდებელი ვალდებულია დაიცვას ლიფტის უსაფრთხო ექსპლუატაციის, უსაფრთხო მომსახურების შესახებ საქართველოში დადგენილი და აღიარებული წესებით გათვალისწინებული ყველა მოთხოვნა.
- 3.1.12 მომსახურების გაწევის დროს საკუთარი პერსონალის უსაფრთხოებაზე და ასევე, იმ უბედურ შემთხვევებზე, რომლებიც შეიძლება გამოწვეული იყოს ლიფტის ტექნიკური გაუმართაობით, პასუხისმგებლობა ეკისრება მიმწოდებელს.
- 3.1.13 ლიფტ(ებ)ის ტექნიკური მომსახურების დროს გამოყენებული უსაფრთხოების კომპონენტებისა და სხვა მაკომპლექტებელი ნაკეთობების, ლიფტ(ებ)თან და მის ექსპლუატაციის ფაქტობრივ პირობებთან შესაბამისობაზე პასუხისმგებელია მიმწოდებელი;
- 3.1.14 მიმწოდებლის მიზეზით გამოწვეულ ნებისმიერ დაზიანებაზე (სამუშაო პროცესში ან არაჯეროვანი მომსახურების შედეგად მიმწოდებლის მიერ გამოწვეული სხვა დაზიანებები) პასუხისმგებლობა ეკისრება მიმწოდებელს. მიმწოდებელი ვალდებულია საკუთარი ხარჯით აღმოფხვრას აღნიშნული დაზიანება;
- 3.1.15 წინამდებარე ტენდერით გათვალისწინებული ლიფტების ტექნიკური მომსახურება ნიშნავს, რომ მომსახურების გაწევის შემდეგ, ლიფტ(ებ)ი იქნება მუშა მდგომარეობაში და სრულად აღდგება მისი ფუნქციები.
- 3.1.16 მიმწოდებელი ვალდებულია თვეში ერთხელ განახორციელოს დანართი N1-ის (პრეისკურანტი) 62-ე პოზიციით გათვალისწინებული ტექნიკური მომსახურება, რომლის შედეგადაც ყოველი საანგარიშო თვის მომდევნო თვის 10 რიცხვამდე შემსყიდველს უნდა წარუდგინოს შესაბამისი წერილობითი დასკვნა, რომელიც უნდა მოიცავდეს კონკრეტული გამოვლენილი ხარვეზის/შეფერხების აღწერას (ასეთის არსებობის შემთხვევაში). მიმწოდებლის მიერ ტექნიკური დათვალიერების პროცესს ასევე უნდა ესწრებოდეს შემსყიდველის წარმომადგენელიც. მომსახურების დასრულებისთანავე/წერილობითი დასკვნა(ებ)ის წარმოდგენისთანავე მიმწოდებელსა და შემსყიდველს შორის ფორმდება მიღება-ჩაბარების აქტი, რომელსაც ხელს აწერენ მხარეთა მიერ უფლებამოსილი პირები.
- 3.1.17 შემსყიდველი უფლებამოსილია უარი თქვას უხარისხო ან/და ინსპექტირების ჯგუფის მიერ დაწუნებული მომსახურების მიღებაზე და ანაზღაურებაზე.
- 3.1.18 შემსყიდველის მიერ მოთხოვნის წარუდგენლობის შემთხვევაში მომსახურების მიწოდებისა და მიღების, ასევე ანგარიშსწორების უფლება-მოვალეობები არ წარმოიქმნება.

4. მომსახურების ხარისხი და გარანტია

4.1. მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს ამ სფეროში არსებულ სტანდარტებს და ტექნიკურ ნორმებს.

4.2. მიმწოდებლის გარანტია შეკეთებულ/შეცვლილ დეტალზე და გაწეულ მომსახურებაზე მოქმედებს მიღება-ჩაბარების აქტის გაფორმებიდან არანაკლებ ---- წლის განმავლობაში, გარდა დაზიანებისა, რომელიც გამოწვეულია გარეგანი მექანიკური ზემოქმედებით.

4.3. თუ საგარანტიო პერიოდში შეკეთებულ/შეცვლილ ნაწილს/გაწეულ მომსახურებას აღმოაჩნდება ნაკლი, მიმწოდებელი ვალდებულია საკუთარი ხარჯით უზრუნველყოს აღნიშნული ხარვეზის გამოსწორება შემსყიდველის მოთხოვნიდან 2 (ორი) კალენდარული დღის განმავლობაში.

4.4. მომსახურების გაწევის დროს, მიღება-ჩაბარების აქტის ხელმოწერამდე, ყველა რისკები მიყენებულ ზიანზე ეკისრება მიმწოდებელს.

5. ხელშეკრულების ფასი და ანგარიშსწორება

5.1 წინამდებარე ხელშეკრულებით განსაზღვრული მომსახურების საერთო სავარაუდო ღირებულება შეადგენს --- (---- ლარი) ლარს დღგ-ს ჩათვლით/გარეშე. აღნიშნული ღირებულება მოიცავს მიმწოდებლის ყველა ხარჯს დაკავშირებულს მომსახურების შემსყიდველისათვის მიწოდებასთან, გარდა დღგ-ს.

5.2. ხელშეკრულების ღირებულება განისაზღვრება ფაქტიურად შესრულებული მომსახურების მიხედვით, მხარეთა შორის შეთანხმებული პრეისკურანტების საფუძველზე, რომელიც დანართი №1-ის სახით თან ერთვის წინამდებარე ხელშეკრულებას და წარმოადგენს მის განუყოფელ ნაწილს. დანართ №1-ში მითითებული ფასები შეიცავს მიმწოდებლის ყველა ხარჯს, დაკავშირებულს მომსახურების შემსყიდველისათვის მიწოდებასთან, მათ შორის, კანონმდებლობით გათვალისწინებულ ყველა გადასახადს, მოსაკრებელსა და სახდელს, დღგ-ს გარეშე.

5.3. თუ გასაწევი მომსახურების ან რომელიმე სათადარიგო ნაწილის ფასი არ არის გათვალისწინებული დანართ №1-ში (პრეისკურანტი), მაშინ მხარეები, მომსახურების დაწყებამდე, ადგენენ აღნიშნული მომსახურების (სათადარიგო ნაწილის) ფასს საბაზრო ფასის გათვალისწინებით. ასეთ შემთხვევაში პრეისკურანტში ტექნიკური მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს. პრეისკურანტის ჯამური ღირებულება შეადგენს ---- (-----) დღგ-ს ჩათვლით/გარეშე.

5.4. ანგარიშსწორების განსახორციელებლად “მიმწოდებელმა” უნდა წარმოადგინოს შემდეგი დოკუმენტები:

ა) საგადასახადო ანგარიშ-ფაქტურა (იხ. წინამდებარე ხელშეკრულების პუნქტი 5.1)

ბ) მიღება-ჩაბარების აქტი.

5.5. ანგარიშსწორება მიმწოდებელთან წარმოებს ლარში, უნაღდო ანგარიშსწორების ფორმით, ეტაპობრივად, ფაქტიურად გაწეული მომსახურების შესაბამისად, (პრეისკურანტში მითითებული ღირებულებების გათვალისწინებით), მიმწოდებლის მიერ წინამდებარე ხელშეკრულების 5.4. პუნქტით გათვალისწინებული დოკუმენტების შემსყიდველისთვის წარმოდგენიდან 10 (ათი) კალენდარული დღის ვადაში. თუ მომსახურების მიწოდება განხორციელდება არასრულ თვეზე, მაშინ ასანაზღაურებელი თანხა დაანგარიშდება მომსახურებაგაწეულ დღეთა პროპორციულად.

6. გარანტია, პასუხისმგებლობა და ხელშეკრულების პირობების შეუსრულებლობა

6.1. მიმწოდებელი იძლევა გარანტიას, რომ მის მიერ გაწეული მომსახურება შეესაბამება ხელშეკრულების 1.2, მე-3 და მე-4 მუხლებში მითითებულ კრიტერიუმებს.

6.1.1. იმ შემთხვევაში, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული 6.1. მუხლში მითითებული კრიტერიუმების შესაბამისი მომსახურების გაწევას შემსყიდველს უფლება აქვს დააკისროს მიმწოდებელს ხელშეკრულების საერთო სავარაუდო ღირებულების 5%-ის ოდენობის პირგასამტეხლოს გადახდა, რაც მიმწოდებელმა, შემსყიდველისაგან პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს სამი კალენდარული დღისა უნდა გადაიხადოს.

6.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად.

6.3. არაჯეროვანი მომსახურების გაწევის შედეგად შემსყიდველისთვის, ან მესამე მხარისათვის მიყენებული ნებისმიერი ზიანის ანაზღაურება ეკისრება მიმწოდებელს.

6.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

6.5. მომსახურების გაწევის დაყოვნების შემთხვევაში მიმწოდებელი ვალდებულია გადაუხადოს შემსყიდველს პირგასამტეხლო ყოველ ვადაგადაცილებულ კალენდარულ დღეზე ხელშეკრულების საერთო სავარაუდო ღირებულების 0,1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

6.6. შემსყიდველის მიერ ანგარიშსწორების ვადის გადაცილების შემთხვევაში მიმწოდებელს უფლება აქვს დააკისროს შემსყიდველს პირგასამტეხლოს გადახდა ყოველ ვადაგადაცილებულ სამუშაო დღეზე გადაუხდელი თანხის 0,1%-ის ოდენობით.

6.7. მიმწოდებლის მიერ ხელშეკრულების შეწყვეტის/ მომსახურების გაწევაზე უარის თქმის შემთხვევაში, მიმწოდებელს დაეკისრება პირგასამტეხლო ხელშეკრულების საერთო სავარაუდო ღირებულების 5%-ის ოდენობით.

6.8. მიმწოდებლის მიერ პირგასამტეხლოს გადახდა, საქართველოს სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

7. მხარეთა პასუხისმგებლობისგან გათავისუფლება

7.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).

7.2. მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ

თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

7.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

7.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

8. ხელშეკრულების ინსპექტირების პირობები

8.1. შემსყიდველს ან მის მიერ უფლებამოსილ პირს უფლება აქვს განახორციელონ მომსახურების კონტროლი და/ან შეამოწმონ, სრულად არის თუ არა გაწეული მომსახურება.

8.2. მიმწოდებლის მიერ ხელშეკრულებისა და მისი დანართების შესრულებაზე კონტროლს ახორციელებს შემსყიდველის მიერ შექმნილი ინსპექტირების ჯგუფი.

8.3. ინსპექტირების ჯგუფის ფუნქციებია:

8.3.1. მომსახურების მოცულობის, ხარისხისა და ვადების წინამდებარე ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

8.3.2. წინამდებარე ხელშეკრულებით გათვალისწინებული ანგარიშსწორების პროცესის რეგულირება;

8.3.3. საჭიროების შემთხვევაში წინამდებარე ხელშეკრულების შესრულების მიმდინარეობის ამსახველი პერიოდული დოკუმენტაციის წარმოება და შენახვა;

8.3.4. წინამდებარე ხელშეკრულების ეფექტური შესრულების მიზნით სხვა უფლებამოსილების განხორციელება.

8.4. მიმწოდებელი ვალდებულია საკუთარი რესურსით უზრუნველყოს ინსპექტირების ჯგუფი შემოწმების ჩატარებისთვის აუცილებელი პერსონალით, ტექნიკური საშუალებებითა და სხვა სამუშაო პირობებით.

8.5. ყოველი გამოვლენილი დეფექტის და/ან ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება “მიმწოდებელს”.

9. ხელშეკრულებაში ცვლილებების შეტანა

9.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

9.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა სამოქალაქო კოდექსის 398-ე მუხლით დადგენილი შემთხვევებისა.

9.2.1. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.3. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთდება ხელშეკრულებას და ჩაითვლება მის განუყოფელ ნაწილად.

9.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

10. ხელშეკრულების ძალაში შესვლა და მოქმედების ვადა

10.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 202- წლის -- ჩათვლით.

10.2. ხელშეკრულების შესაბამისი მუხლები ძალაში რჩება, მხარეთა მიერ ნაკისრი ვალდებულებების სრულ ამოწურვამდე.

11. ხელშეკრულების შეწყვეტა

11.1. მხარეებს შეუძლიათ ურთიერთშეთანხმებით, ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.

11.2. ერთ მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინების გაგზავნის საფუძველზე, იმ შემთხვევაში თუ:

ა) მეორე მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რა ვადაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში.

ბ) მეორე მხარე სისტემატიურად არღვევს წინამდებარე ხელშეკრულების პირობებს;

გ) სსკ 398-ე მუხლით გათვალისწინებულ შემთხვევაში.

11.3. შემსყიდველი უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე. ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

12. დავების გადაწყვეტა, გამოყენებადი სამართალი

- 12.1. მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.
- 12.2. შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.
- 12.3. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13. დასკვნითი დებულებები

- 13.1. ხელშეკრულება შედგენილია ქართულ ენაზე.
- 13.2. ხელშეკრულების ცალკეული მუხლის და/ან პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.
- 13.3. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.
- 13.4. ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

14. მხარეთა რეკვიზიტები და ხელმოწერები